





長春競辰藁卷之八



七言律詩類

成都十景

龜城春色

煦景朝融藹九衢無邊春意徧三岬葱蒨菁草樹
敷丹雘帶礪山河入畫圖錦地繡天花作國金
繩玉局寶為樞巴歛好奏昇平曲不是三分舊

蜀都

岷山晴雪

晴日高明雪色新接天雄鎮迥嶙峋乾坤萬里
銀關固巴蜀千秋玉塞屯爽氣入懷消酒病寒
先到面淨詩塵朱樓幾許雲天濶倚遍雕闌獨
岬中

闕宮古栢

玉座金鋪迥絕塵陰廊入地古根屯吞吳氣護
龍髯老滅魏心穿蟻竇新千載冰霜留勁節兩
川風雨長蒼鱗凋零不是涪江樹培植慇懃更
有人

市橋官柳

二月西城颺暖風垂楊夾道蔭長虹黃金穗裊
斜陽外碧玉絲棼細雨中拾翠佳人停繡幃踏
青公子駐花驄慇懃莫厭頻封植千古風流仰
杜公

草堂晚眺

遙指西郊舊草堂少陵遺跡未荒涼當年結構
幽栖地千載風騷翰墨場南浦雲通西閣月雪
山白映錦城黃遊人仰止祠前水一曲滄浪引

興長

橘井秋香

錦里清飈報素商
內亭深院晚雲涼
鶴胎漫憶青天杳
龍秘猶傳玉井芳
入鏡靈漪江夏色
御風神冽洞庭香
翁源菊澗成虛語
幾度臨風壽羽觴

墨池懷古

玄亭咫尺錦城邊
揚子遺蹤幾歲年
篆刻雕蟲有科斗
含章詞賦見漪漣
鴻都富貴烟雲過
天

祿聲名日月懸
更喜榜書存海岳
高山不盡仰先賢

濟川野渡

紅亭錦水綠漣漪
蕩漾晴光曉日曦
倚棹閑看橫渡日
鳴橈喜見放舟時
涼風習習生蘋末
小雨斑斑濕荔支
估客晚來凝望處
梨花沾酒趁青旗

昭覺曉鍾

霽曉禪宮宿霧開
蒲牢聲吼出經臺
殘星寥落

晨鴉起斜漢逶迤候鴈回江繞魚鳧仙棹發橋
臨駟馬使車催登臨有客還懷古廢苑宣華鎖
碧苔

浣花烟雨

少城一曲浣花溪窈窕曾聞咫尺迷翠竹亭亭
烟外暝紅蕖冉冉雨中低尋幽青杖詩還賦傍
險銀鞍酒更携只恐鷓鴣催易晚咿咿隣屋聽
鳴鷄

秋日詠蟬

木落霜飛報早秋新蟬枝上噪無休寒朝上苑
晨烟鎖霽景平山宿雨收引出微涼添爽氣催
殘溽暑夕難留涵空風露遙穹淨枕上聲來客
意愁

雙頭蓮實

靈根本自華峰移挺出春波太液池紅萼標奇
同一柄綠房秀實結連枝垂芳曄曄呈佳麗獨
立亭亭兆瑞祺藩國歲豐今已應洪基永固萬
年期

賜承奉石磬七袞詩軸

銀燭輝煌曉宴開
東華景色映天階
金桃已獻長生案
玉醞還傾介壽杯
福祿亨嘉當盛世
襟懷磊落湛靈臺
老成與國同休日
百歲期頤方鼎來

賜承奉周宣別號檜峰

公庭古檜自森然
獨抱冰霜色愈鮮
曉日蒼涼篩靜影
微風披拂響清泉
亭亭競秀供頻覽
鬱鬱崢嶸接大圜
鐵石中心常守固
永承德澤百

餘年

秋夜聞促織有感

秋宇沉沉夜氣清
催殘宮漏正深更
驚寒幾度堦前韻
泣露先依草下聲
唧唧醒回仙客夢
啾啾動旅人情
風穿簷幕虛堂寂
薄薄澄天淡月明

秋陰

踈陰黯淡壓藩垣
薄露空濛映小門
瑟瑟風聲噓白晝
翩翩鴈影度黃昏
幽居自有琴書潤
淨

牖渾無鳥雀喧可羨蓐收傳令後幾番秋色滿
郊原

七夕

玉宇澄清燦二星人間乞巧會中庭金盃殿上
鸞呈瑞銀漢橋頭鵲聚靈未憶雲堦開錦帳且
看圖繪列華屏良宵月朗天衢靜歡慶佳期醉
醪醕

新月

兔魄初生色正朧玉鈎高掛在長空輕雲溶液

浮天闕薄霧霏微覆禁宮踈影朦朦穿戶牖斜
輝淡淡映簾櫳清宵三五流光滿一照千江處
處同

夕雨

秋時何是苦陰稠淅瀝淋漓淫灑不休滴向空堦
人覺寐積連古道客闕愁依庭多少鳴蛙隱倚
戶高低過鳥投可信一天朝霽滿漫漫宿霽更
潛收

月中竹影

銅龍漏滴鼓初更銀漢澄澄月轉明露灑玉堦
疑有響風搖朱戶聽無聲扶踈自是凌雲器勁
直還因傲雪清空院深深涼寂寂呼童幾度掃
難成

秋晴

堂堂萬古總天元崇仰穹窿自不言颯爽金飈
吹宿霧逶迤雲闕上朝暎明霞散彩連千嶺炳
燿垂光燭九原景物亨佳人意悅無邊和氣滿
乾坤

秋風

炎暑消殘盡斂葳葳收秉令值金商梧桐葉上
秋霜薄薜荔枝頭曉露灑歷歷雲邊飛候鴈唳
唳月下韻寒將書窻默坐添詩思時有晴風拂
體涼

霑天雨

無聲密密雨霏霏亂舞長空細更纖陣陣漂零
飛曲檻紛紛散漫濕虛檐隨風拂拂翻輕幕逐
霧濛濛透短簾斂盡癡霾秋宇靜蒼涼雲外曉

陽暹

贈德陽王來鶴樓詩

千里飛來九澤禽，偶停樓榭本無心。
養成勁翮精神壯，煉就丹砂歲月深。
竹徑午風隨飲啄，柳塘晴日趁花陰。
禁園從此添奇勝，時倚危闌聽好音。

早朝

斜月光迎鎖闥勻，文儀武衛肅嚴陳。
股肱待漏能襄理，元首興明旣自甄。
庭燎騰輝星漸落，旌

旗搖繡夜將晨，九門時聽鞞鞞韻。
應是金階過

玉輪

香烟

踈簾風拂散，還生透幕穿。
幃蕙麝麝清，自想其形那有韻。
細思爾質本無聲，閒中縹緲添神思。
坐裏輕零爽，性情滿室氤氳和。
氣遍靜存內，像境分明

柳絮

嫩綠柔枝帶淺黃，踈花輕逐午風颺。
不成豔萼

依江圃來作流萍向野塘
點點縈窻難壓重叢
叢落硯不飄香漫空恍若初冬
雪應兆年豐豆國
祚昌

詠書堂黃楊栢次韻

幽窻晴鎖白雲飛
片石歌湖向紫微
拾翠登臨閒進步
尋芳吟眺欲忘歸
庭前碧葉欺晨雪
墀下蒼枝映曉暉
時值風和春色暮
且將布縷易輕衣

春夜

萬籟無聲二鼓初
銀燈吐焰夜窻踈
安恬耳目情偏適
磊落胸懷興在書
密靄空濛籠院宇
橫烟輕抹鎖庭除
寒蛩唧唧春宵短
蕭散怡然樂靜居

宮燕

十二珠簾倚綠窻
閒看玄鳥舞雙雙
頤頤逐水依春岬
拂掠啣泥向曉江
午霽每飡蘋蓼谷
晨暄時過亂蘆砭
虛簷日永清朝寤
共立雕梁語雜唳

成都十景

古栢森森碧葉齊
春城日暮草堂西
岷山雪霽排銀壁
浣水烟籠鎖翠堤
橘井香浮金盞注
墨池色潤綵毫題
濟川舟送鍾鳴遠
官柳橋邊足馬嘶

瀟湘八景

山市浮嵐映晚晴
洞庭秋霽月華生
江天雪墜同雲布
烟寺鍾鳴宿靄橫
遠浦輕帆依岬渺
長空征鴈集沙平
瀟湘入夜添霖雨
掩卻漁村夕

照明

觀新秧有作

青鍼刺水嫩茸茸
長育全因造化功
風露滋然逢歲泰
雨暘時若兆年豐
離離嘉穀宜登薦
簇簇祥禾稱早充
黎首足榮天下樂
帝圖廣大保無窮

蟬聲

入夏初臨爽氣清
綠槐高處蜜蟬聲
幾從葉底吟朝露
數向枝頭噪曉晴
院宇沉沉炎日永
軒

窻奕奕午風輕秋光未到君先到
撩亂愁人白髮生

柿油扇 借懷字一韻

楮面為衣竹作胎朝昏出入在襟懷
輕籠柿實紅姿潤密灑金華
黠色堆秋夏開籬臨几席
春冬藏笥隔塵埃煩蒸掃盡須憑力
一舉涼生遍九垓 黠亦黃色

秋日

雨霽秋陰陰草廬新涼送爽入郊墟
啁秋蛩響

堦前集鳴咽蟬聲竹裏居風拂幽林空
寂寞雲遮曠野思蕭疎簾低白晝無人到
滿目詩情有餘

鴈

木落天高夜氣清霜空鴈陣過邊城
迴風斂翼黃蘆岬帶月梳翎白草坪
沃壤無驚從自適澄波有意任縱橫
歸時莫向瀟湘嘆感愴天涯羈旅情

祀禮

園立具禮向南陽稽古還宜大典將崇敬恍然
如影響孚誠章顯在昭彰思存籩豆陳樽俎樂
奏簫韶薦學觴齋沐身心嚴祀事神其冥格若
洋洋

秋夜

斗帳涼生午漏催星沉銀漢夜昭回踈燈半照
金爐冷輕露微侵玉几埃一枕遊仙清夢覺孤
鴻度影遠聲哀披衣佇向天街看佳氣層層接
上台

琴硯

桐梓經年自嶧陽斲為琴式助文房細磨蛇腹
光含潤輕鑿龍池墨帶香七軫豈能隨轉側數
星何以按宮商舜絃試鼓薰風調鎮日須教在
玉堂

鷓鴣

春水潏潏初滿陂野萍滋育乳鵝肥曉涼馴逸
臨苔砌午霽清游下淺池已見嬌黃纔退白漸
看輕素轉霜姿鷹鷂不驚還隨啄得失平時性

自宜

徇徇笛

昔從嶰谷取材良製截為箛按羽商哽咽悲沉
千里月悠揚悽斷五更霜西風漠漠黃塵遠朔
氣茫茫紫塞長高吹一聲寒夜寂驚迴征鴈度
瀟湘

藕帶

勁節玲瓏素所持霜腴粲齒勝瓊飴宵羅七曜
熒熒玉膚隱千莖嫋嫋絲賸有天機通活水豈

同凡彙染汙泥靈根孤潔知何自出向三峰太
液池

幽居

構得茆齋屋數椽味清境寂類林泉夜涼月轉
蒼梧上曉霽雲生白石邊王質棊閒空掩局陶
潛琴掛久無絃頻懷玄晏先生事架積雲緘億
萬編

春日晴望

明巒曉日破雲開嵐盡烟消萬里臺野澗分流

來錦水沙村樹杳接宮槐山空自絕幽禽語曠
野應知閑客來對此何勞登別勝相看不厭舉
瓊杯

偶覩君父墨跡而作

幼棄椿庭十四春萱堂撫立已成人常承熊膽
資勤志每荷裁機仰重仁豈憶慈幃仍見背可
憐孤子更無鄰嚴君已逝天葩在為子何由復
見親

江閣涼陰

曉起雍容向北牕坐評已覺晝初長心潛默默
閒中境意定洋洋靜裡涼蟬韻嚮琴依密樹蛙
聲鳴曲送斜陽悠然滿目江山景倚閣憑虛在
水鄉

春遊晚眺

閒向郊墟眺莽蒼天時人事別風光和風拂面
知春暖細草侵衣覺晝長點破青山鴉帶影背
殘紅日鴈分行幾從回首頻看笑院竹垂陰覆
短墻

賜周承奉生日

林鍾律應值朱明喜溢酌顏鶴體清丹札景雲
承美遇黃麻德澤被恩榮皇州天國忠誠相蜀
屏仙都宰輔卿夜向午堦看斗正五星環繞注
延生

長春競辰藁卷之八

長春競辰藁卷之九

七言律詩類

瀟湘八景

山市晴嵐

雨洗羣峰翠欲流微霄輕靄未全收銷魂屈子
千年意彷彿關同一幘秋壯士誰將銀漢挽仙
翁自詫玉膏浮等閑未逐輕風散更伴茶烟過
酒樓

洞庭秋月

楚澤清宵湛蔚藍滄茫無際照寒潭天光澄徹
金波映雲影空明玉鏡涵咫尺綃宮通上下十
分秋色在東南憑誰為喚謫仙起賒取白雲歌
醉酣

江天暮雪

江上雲同寒作威水村蘆市半扃扉郢中妙曲
燈前聽沙際魚蓑畫裏歸集霰漸凌妃子竹隨
風欲上楚王衣羞明莫怯君山月玉窟銀汀更
有輝

烟寺晚鐘

古刹沉沉薄靄籠霜飛千里楚江宮林間犬吠
僧歸院山外禽栖鶴立松金吼隨風來枕上蒲
牢和月到窻中驚回客夢知身寄紫翠千崖第
幾重

平沙落鴈

秋滿平疇足稻梁直從塞北過衡陽陣旋天際
迢遙下字寫雲邊百十行嘹唳菰洲風淅淅徘
徊蘆渚月蒼蒼水平沙暖無矰繳回首回峰是

故鄉

遠浦歸帆

三千三百碧波平
隱隱孤帆一羽輕
秋雨秋風何限路
江花江草亦多情
川鳥浴處窻中影
林狔啼時枕上聲
搖曳濃嵐淡烟裏
滄浪歌罷有餘清

瀟湘夜雨

銀竹森森葉上聲
淒淒寒溜滴初更
鳴榔水市千家靜
結網魚燈一點明
蓬低幾人驚
破夢燈

前孤客未歸
情吟成
何遜空階句
清鏡明朝白髮生

漁村夕照

前山紫翠閃金鴉
水邏汀洲露幾家
隊隊交鶻藏
檉柳雙雙屬玉隱
蘆花王維畫意橫
飛靄謝朓詩情寄
落霞稚子尋烟收
網處酒旗烟外月
鈎斜

長春十景

內苑風光

大明形勝蜀都城歷井捫參拱

帝京高自玉宸分玉局遙從金水接金明雲屯
象緯垂華蓋星布龍躔聚德精萬斛春容長藹
藹千年佳氣日盈盈

覽勝舒眸

朱宮深處倚雕闌方寸心通海宇寬八面窻虛
迎白顥三臺樓峻擁青巒靜觀理物天機妙平
步坤隅地紀安不盡臨高舒眺意雲邊烏兔任
跳丸

華軒雄峻

天府堂堂蜀國開軒懸金榜勢崔巍崢嶸畫棟
烟雲壯藻麗雕楣日月迴水碧金膏留勝覽祥
風銀月自追陪岷江千里真如帶滾滾朝宗入
座來

清隱肅氛

一塵不到堂虛靜散服迂中亦曠疎小院漫憐
馴一鶴方池應許浴雙鳧人閒淨几爐香細晝
永黃庭墨妙舒應笑潯陽陶靖節不須人境結

吾廬

逸興書懷

優游靜地每怡情
坐對東隅麗色明
物外無過詩與酒
此中何用利和名
簾旌風颺搖書幌
几席烟浮煮茗鐺
閒步幽齋詠風月
芭蕉葉上句初成

竒山佳麗

千雲縮地挿天峰
頓覺山情入國容
風定秋庭森萬竹
月來冬嶺秀孤松
分明蓬島參差近
彷彿

佛香山咫尺逢
佇目遠瞻籠罩裏
葱籠佳氣鬱重重

曲鑑幽泓

蒼茫銀漢瀉三天
瑩潔幽泓注渺川
漱灑涵虛浮日夜
縈迴浸影動漪漣
千尋曉色金鋪映
一片寒星玉鈿連
天府古來稱沃野
永看千里是豐年

布春六極

熙皞陽和萬象新
斗杓東指轉洪鈞
風和巧語

聞黃鳥溪暖晴光轉綠蘋農事萬家開沃野賞
心千陌慶芳辰東皇可是無私處共喜芳華一
統春

此君鏘珮

羽人瀟灑定幽居移得新篁萬本餘陰轉琅玕
屯檻曲色侵翡翠映窗虛霏烟擎露涼巾屨掛
月梳風冷珮琚鳥鵲不喧蒲榻淨瀟湘咫尺在
階除

洞天仙境

碧鷄啼徹滄溟日朱鳳吞殘紫樹烟玉砌瓊枝
交燦爛琳宮瑤草共芊眠雲中仙室流丹竈海
上人家種玉田塵世難同真境別分明象外一
壺天

綠萼梅

曾向西湖著淡衣素肌瀟灑步來遲清癯湛露
青珠粒寥亂歌風碧玉枝縞色只教琴趣得寒
香不使篴聲吹涼宵應有朦朧影報道書窻月
上時

落霞

餘霞派彩暮天東送却斜陽更映空一縷凝煙
山映紫千江橫浦水分紅村村卜樹歸鴉陣處
處停橈估客篷百尺樓臺吟不盡喜微又夾月
明中

擬無題用元人馬祖常韻五首

巴山迢遞接岷江嶺樹高張羽葆幢滄海月明
珠蚌一丹山日暖鳳雛雙昭回銀漢天浮宇縹
緲輕雲晝鎖窻緱嶺霧沉笙韻斷曉泉鳴澗自

淙淙

其二

出匣龍泉夜有光石盤玄液冷生香露藏龜鼉
眉端白霜飽蝻蚌體內黃莫辯蒼峰嗟宋子空
遺赤壁憶周郎西池春暖蟠桃熟阿母筵前醉
舞裳

其三

夜雨西湖漲早潮海門驅架石為橋九天風露
江山麗八極星辰霄漢遙遠近山花紅帶眼西

南路草綠裙腰雲間歛翼朝陽鳳竚向秦樓聽
玉簫

其四

秋半旻空玉露垂青年好學董林醫鵬搏擊水
三千里燕語依堂十二時朝閣簾疎風乍覺午
堦漏下斗頻移無聲漢外銀盤轉獨對清輝把
玉卮

其五

雲邊飛鴈望中遙風外颺颺酒旆招花塢鳥驚

雙影亂松巖鶴起一聲嘹乘鸞仙女銀為闕渡
蟻仙郎竹作橋好向清宵待明月潯陽江上看

回潮

擬元人韻十首

其一虞集贈道士韻

霞服星冠覲紫微夜深金鑠振朱扉清涼翠蓋
玄精結散漫琪花玉雪飛六幕天中翔鳳翥九
霄雲外跨鸞歸青冥回首人間近壬癸方維露
漬衣

其二贈丹士用前韻

九轉丹凝石鼎砂
晨餐夕服悅年華
氣騰石室遮紅日
光射山房罩紫霞
松頂鶴歸乘曉露
苔心鳳立印春沙
功成履踐朝元後
光碧丹丘處
處家

其三贈竇神清歸隱茅山用前韻

曉光初日上扶東
石逕逶迤不畏冬
駐色已和千歲露
延齡曾採萬年松
飛廉古嶺驚眠虎
霹靂空山起蟄龍
明日欲詢何處所
白雲飛處有

高峰

其四薩都刺贈劉鍊師韻

道人時駕碧雲車
驅入崑崙拾露華
拂袖飄飄來爽吹
浮冠冉冉擁明霞
丹丘境外鸞啣札
太乙爐邊鶴護砂
自有長生身內訣
慙慙何必訪仙家

其五貢師泰贈天台李鍊師韻

秋橫劒氣射蒼空
清隱名山已數重
寒溜縈迴青翡翠
晴峰聳列碧芙蓉
靜依煖塢調鳴鶴
閒

向寒潭俯卧龍我欲尋師參至道
茆廬幽邃五雲封

其六趙孟頫送張秋泉還山韻

離塵一去更難招
深入雲林去路遙
竹杖迂徐穿古壑
木橈迤邐過溪橋
烟松密影青山暗
風竹清聲靜夜敲
童子石壇持白雪
遍飛海宇兆豐饒

其七送戴真人歸天台前韻

閒情每向八絃遊
笑指東瀛泛小舟
身寄有同雲外鶴
形舒何亞水邊鷗
深林雲護瓊枝老
石澗天澄碧水流
君入名山應悵望
乾坤方外共無休

其八揭傒斯送詹尊師歸廬山韻

竒峰萬仞鎖晴烟
路入雲溪思悄然
曲折銀泉滋藥塢
露濡玉露養芝田
林霏髮髯晨扃菽
海月光華午洞懸
此去更無塵鞅慮
大椿又植八千年

其九送道士薛玄卿歸江東前韻

歸心一片復何招
嘯望雲天景寂寥
星燦龍睛應珮劍
月明鶴背好吹簫
登臨翠島三山濶
隔斷紅塵萬里遙
踈放翛然無個事
佳山風物自蕭蕭

其十段天佑送妓入道韻

莫唱梨園舊品流
五城樓換一歌樓
已承寶籙玄宮去
猶憶銀箏畫閣留
此日清高千古別
昔年窈窕一番收
于今已副皇冠上
不復重脩翡翠頭

紅杏雨

東風吹雨過香堤
滿地芳菲濕燕泥
葉底輕陰添翡翠
枝頭艷色減輕枝
偷眠蝶侶魂疑醉
倦立鶯兒意似迷
老去榮華春已半
捲簾欲折較應遲

綠槐烟

輕烟葉底隱宮槐
冉冉無端晝不開
別院有情屯繡戶
閒堦無跡到蒼苔
鵝黃黯淡秋期遠
蟻竇模糊午夢回
却喜清風忽吹散
斜陽簾箔碧

陰來

黃蘆風

冷雨寒雲更著霜
瀟瀟連夕更淒涼
無情不惜枯枝短
有力偏欺病葉黃
七澤鴈汀秋瑟瑟
五湖鳧渚月蒼蒼
慙慙莫近峽江浦
繡戶朱簾亦可傷

梅花雪

羅浮夢繞灞陵橋
華月香風共寂寥
碧脰寒驢衝玉屑
綠毛么鳳啄瓊瑤
三分春色應先露
百

和天香祇暗飄
九九消寒仙客會
請吟玉樹倒金蕉

鴈

一夕秋風入塞門
紛紛歸陣入雲屯
纔過楓葉長沙澣
忽下蘆花夢澤濱
上苑漫多題塔士
邊庭不見寄書人
平田菰米應堪足
回首東風草又春

賜甯承奉生日

曉起長庚照紫宸
懸弧好日屬斯人
瑤編已注

當初度寶籙今看又一巡須共大椿莊圃歲再
看挑實閨風春年年朱邸長觴汝不獨青城范
氏民

黃鵝兒花

敷榮鸞葉長蒼苔秋夜凌寒次第開曉日謾迎
舒天矯高風自向振翅翹清溪欲趁蠲皞質曲
岬俄臨染緹埃如對右軍容與誼山陰好喚羽
人來

白鵝兒花

綠橐含如齒苔封參差抽出玉簪峰未舒筍質
纖纖捲初綻鵝形翼翼穠擎露籬邊飄馥郁舞
風林外拂橫縱顯昂似浴清波裏想意臨池老
筆宗

詠井

丹幹朱闌露井成銀床玉甃鏡天明寒侵梧砌
蒼苔濕冷合鶯堦素月清江上暗通潮汐候曉
來聞放轆轤聲汲泉更助沙坪味不羨當年陸
羽名

賜周承奉生日

朱明殿閣祝融天宮醞親分薛紫賢榴日當筵
熏火棗荷風入座薦冰蓮驚鸞笑看巴渝舞繫
玉頻聽蜀國絃知爾已通鴻寶秘年年朱印醉
彭佺

嘉靖己亥歲仲秋二十六日

欽賜龍服感荷有作

閭闔朱門向日開彩雲呈色下蓬萊麾幢繚繞
環金陛鹵薄輝煌列錦臺咫尺天威瞻聖德九

重雲漢仰昭回明恩在笥常依佩莫盡餘消與
點埃

賜周承奉梭靴乘涼

火雲擁日熾朱光雨歇庭除畏景長門掩虛堂
人語寂簾垂深院燕飛忙高山閑奏枯桐調沉
水初銷小篆香想爾齋居亦清曠漫乘梭靴自
生涼

松澗別號

一鑑徂來古澗深青青碧影礙雲陰夜棲老鶴

虬枝健晨嘯蒼猿鳳葉森十里濤聲驚地籟五
更天吹響仙琴願言不改冰霜節柯石根銅百
歲心

盆松

徂徠靈本植青巖聳昂霄意已生秀色遠招
遼海鶴層樓獨惹隴山鸚簷風驚籟凝香靜庭
月移陰入座清他日候為梁棟用可同弘景聽
濤聲

別都憲丘集齋

有引

大中丞丘集齋撫蜀三月紀綱振肅百度
維貞士庶傾心而谷夷率款予忝宗藩方
藉保障遽聞有西江之擢天其遺吾人乎
愛莫能留詩以別之

中丞繡斧來天上號令風雷動蜀川雜谷番夷
今再款

清朝節度坐籌邊龍光既已歌華胥山斗何當
望眼懸俄頃神功重岷雪又翻霖雨沛江泉

雜谷

即古維州地其酋長正德
間始乞降今再款故及

集齋請詩啓附

欽差巡撫四川等處地方都察院右僉都御史

丘養浩謹啓敬惟

忠孝賢良蜀王殿下

若稽古訓

通駿先猷

存心養性以事天

脩身齊家而治國

鸞迴鳳翥邁北海之善書

玉振金聲陋東平之工頌

擬聖而作

為天之章得之奚啻十朋寶之當珍萬世

職聞先是巡按御史王珩謝瑜均蒙

殿下載形心畫

揮示睿謨昭于

琬琰之傳燦若

絲綸之被伏念職承乏以來荐膺

楚醴得代而去將遠周行用是不揣謏庸

長春競辰崇卷之九
竊比二賢之榮遇仰止

雲漢妄意十行之

寵光敢望

殿下

特紆睿眷

親灑奎章商書灝灝爾入宇宙於胸懷周

文郁郁乎出風雲於掌握倘使

麗天之象下燭螢光敢忘

垂露之恩曲覃鴻澤頓增連城之重價永

為傳家之寶藏職不勝懇切祈望之至

長春競辰崇卷之九

長春競辰藁卷之十

七言律詩類

宮窻清興四首

其一

明窻長晝獨從容
單袷閑來坐暖風
朱戶柳晴鶯未語
閑堦苔淨蟻相逢
茸茸草色吟邊綠
灼灼花籌酒裡紅
春事近來渾不管
楊花飄泊畫樓東

其二

鼓鍾初動未啼鷄東曙星升曉月低金屋風清
來燕雀玉階煙細吐狡狴榴烘閣道容偏艷槐
覆宮牆興欲迷浴罷蘭湯湘簟冷影移庭竹夕
陽西

其三

沆瀣初生子夜天金盤玉液注寒泉丹房著象
藏玄彩石室流光透紫烟悵望天門雲盍盍擬
乘仙馭鶴翩翩何時八極無拘礙明月清風任
往還

其四

仙書昨檢啓琅函似向天邊下雪巖又見清霜
凌竹樹坐看寒日下松杉人間石竈丹應熟雲
裡青山藥未鑱自信吾儕有仙骨不須齊魯問
巫咸

擬送宮人入道用元人陳安韻

霓裳脫却出彤宮不作鴛鴦錦繡工日暮古壇
黃葉雨夜深虛閣碧梧風黃庭獨誦心猶苦青
鳥雖歸信不通未記清平舊時曲步虛聲在五

雲中

雨

穿窻打戶因風急處處霏霏灑原隰竹間猶帶
亂聲繁溪畔更看千點入漁子扁舟水面寒牧
豎長堤策裡濕此時聊可共清罇閣筆倚欄頻
佇立

幽居自樂二十首

其一

高聳耳雲山疊障陰森黃排綠樹顏深菰蒲淅瀝

清秋渚梧竹瀟條白露崙宿砌寒蛩無斷韻度
空朝鴈有餘音一盃獨酌娛寬意不羨江湖散
逸心

其二

層樓掩映竹叢陰一鑑澄波漱灑深翠栢青葱
依古蘆黃葵暢茂對幽峯露淒草際寒蛩韻風
細天邊候鴈音倚檻頻看清潔景涼生四座靜
虛心

其三

避俗幽軒靜自陰
近山嘗與白雲深
夕來朝去看鴉陣
雨暗晴竒對石峯
萬竹叢叢穿日影
千松拂拂聽濤音
醉中自有襟懷樂
僊茗清泉息倦心

其四

梅杏爭春綠葉陰
閒堦融日暎堂深
頽頽鳥穿楊徑喧
雜鷓鷯集竹窠
隱士橫琴鳴古調
幽童焚篆扣瑤音
侵朝盡日觀山景
一派流泉滌慮心

其五

閒看鷺鶴舞松陰
檜栢千章蔭地深
青影扶疎侵北牖
綠雲陰曖翳南峯
猿啼夜月長空寂
鴉噪朝陽短堦音
可嘆市塵憂喜處
道人原脫喜憂心

其六

六合濃雲蔽日陰
書齋獨酌晝方深
微風細細侵玄幕
清霧濛濛濕翠峯
好雨深堦添潤色
輕流簷溜滴琴音
虛堂靜境誠為樂
一點纖塵不

染心

其七

輕盈紅葉落堦陰倚戶頻觀秋色深
露濕螢光過藓砌風驚鴉陣起孤峯
道人醉卧方成熟童子敲門報好音
報道松枝甘露集呈祥嘉兆本天心

其八

樂處幽居勝華陰竹梢露滴僻堦深
雨催杏葉舒芳圃風逐揚花過淺峯
燕羽樓前翻亂影鵲

聲檐角送佳音道人自是無為念
何用頻頻擾我心

其九

升沉日月迅光陰僊苑門庭步步深
風靜林鶯歌露柳日融海燕舞雲峯
千家松栢同香氣九陌笙簫雜鼓音
爆竹聲中殘歲盡一番春意悅人心

其十

百禽弄語在林陰笑學間關趣更深
綠沼若珠

跳淺瀨翠屏如畫隔遙岑平堤握筆吟清詠曲
水流觴振雅音會得賢才二三友暢情樂事賞
予心

其十一

密密庭槐晝覆陰落花飛雪積堦深杜鵑聲老
葳蕤樹屬玉行斜過古岑把酒簷前邀舊友吟
詩檻側會知音春秋轉轂天時事不覺年華易
邁心

其十二

喬松鬱鬱澗邊陰暖谷回春土阜深花放梅枝
橫淺水葉抽蕉榦滿長岑青鸞遶漢隨金母玄
鶴冲霄振玉音萬物靜觀皆自得古人佳句合
天心

其十三

洞門半掩晝清陰風靜簾垂別院深坐向軒楹
依素牖回看樓屋聳青岑綠楊細細蟬聲響翠
篠森森鳥亂音石鼎煙輕茶正熟澆湯烘盞甚
怡心

其十四

獨向南窗坐晚陰對看唯覺翠華深
平川登勝荆江潦小嶂青如泰岳
峯秉燭謾敲碁局韻熟香輕理雅
琴音夜籌寐寐纖塵淨多少幽人
稱賞心

其十五

憶昔先賢惜寸陰挑燈觀史坐更深
清癯遠影橫高牖皎潔新蟾上小
峯篴響數聲侵几韻梅花三弄入
琴音消閒樂共幽人志笑傲乾坤
放

浪心

其十六

鳥鳴院靜地陰陰秀色屯雲竹徑深
垂葉露濃低小檻振條風響拂虛
峯嬌鶯乍出煌煌色新燕初來呢
呢音徙倚閑庭真意會幾迴延賞
滌煩心

其十七

數村殘照半巖陰一抹烟霞隱壑深
逸士長吟蒼蘚逕僊翁方下翠微
峯行舟載酒尋知友策

杖携童訪德音弗遇奇人頻轉首一鈎新月上
堦心

其十八

幽軒修竹轉涼陰一葉西飛月徑深風露凄然
臨蘚砌星河煥若暎松峯靜焚百和爐烟細聞
聽三通角吹音倚枕放骸無俗念一般清味在
吾心

其十九

清幽一室傍松陰樂興蕭然內苑深藹藹晨暾

騰碧海零零宿露洗青峯山禽每見聯輕翼堦
鶴時聽振好音手執一函延壽錄性天之道在
予心

其二十

濃雲時擁四方陰暝色沉迷一望深掀箔風威
來峻宇拂簷雨陣下危峯天邊閃爍金蛇影漢
外轟填玉虎音入夜既濡滋沃壤當春足可慰
農心

首尾自得吟一十六首

春景四首

閒看內苑好風光
熙皞時和屬艷陽
翡翠半舒青柳嫩
臙脂初點絳桃芳
池波疊皺東風軟
山靄輕遮北阜長
深院半醒遲日晚
閒看內苑好風光

其二

閒看內苑好風光
影薄荼蘼日轉廊
黃鳥有情留晚樹
白鷗無意浴春塘
落紅簌簌花顏老
濃翠依依柳線長
料峭竹邊風乍拂
閒看內苑好

風光

其三

閒看內苑好風光
踏遍芳華輦路香
桃李爭妍分淺徑
松篁倒影拂平塘
低墻喔喔鷄啼晝
小閣彊彊鵲噪陽
回首高城新月上
閒看內苑好風光

其四

閒看內苑好風光
繞目韶華畫景張
內苑小枝梅豆早
閑庭舊竹筍簪長
村家蚕逼收桑急
田

舍禽催刈麥忙我醉何妨斜日落閒看內苑好
風光

夏景四首

閒看內苑好風光水浴新鵝嫩酒黃碧荇田田
牽內沼青葭簇簇長東隍荷錢數點堪垂釣竹
玉千竿助舉觴清賞流年休易邁閒看內苑好
風光

其二

閒看內苑好風光謾把琴棋付日長書卷緩陪

神思倦茶烟清伴鬢毛蒼棟花飄落來庭院浴
鷺聯翩下渚塘身處雲林心物外閒看內苑好
風光

其三

閒看內苑好風光碧沼荷擎宿露香粗筍摘蔬
隨短楫文樽携酒泛輕航綠蕉題句揮華筆蒼
栢成文附縹囊簫鼓聲追佳景樂閒看內苑好
風光

其四

閒看內苑好風光清卧書齋蝶夢長嶺上扶疎
松竹蔭池中馥郁芰荷香幽窻窈窕無塵觸邃
宇深沉得靜涼日午槐陰聽燕語閒看內苑好
風光

秋景四首

閒看內苑好風光灑氣蕭森應素商細雨過村
連斷靄殘霞穿樹映殘陽蜩蟬咽露清聲響鷹
隼盤空健翮揚撫景沉吟應有感閒看內苑好
風光

其二

閒看內苑好風光螢影高低暎粉牆鼓角高城
聲乍起簾櫳沉院影微葺霧輕聊鎖窻前月露
重多凝砌下霜燈火可親書可檢閒看內苑好
風光

其三

閒看內苑好風光心泰神怡味道長庾亮樓前
秋月白陶潛籬畔菊花黃珠簾半捲鸞收影玉
醴新篳蟻帶香展卷謾吟新句好閒看內苑好

風光

其四

閒看內苑好風光
佳菊殘英泛酒香
雲散遠峰明
聳耳翠水澄
幽澗淺浮蒼
桑烟晚抹橫
林藪梧露晨凝凍
井床坐愛晚
林楓葉赤閒
看內苑好風光

冬景四首

閒看內苑好風光
朔氣初回木未僵
烟透狡猊添宿火
屏圍鸞鳳列帷房
簷飛密雪梅將白
庭

下清霜
橘盡黃
東閣煖
爐煨酒熟
閒看內苑好風光

其二

閒看內苑好風光
寒雪初消露淺芳
和靖吟邊梅跡古
蘇耽去後橘遺香
枯枝挂月偏橫砌
落葉流詩自出墻
美景多留佳麗地
閒看內苑好風光

其三

閒看內苑好風光
歌扇舒徐擁鷓鴣
風結夜陰

揚六出天窮暮歲算三光寒侵枕畔人多思凍
極林隈鳥亦藏閉戶素安高穩卧閒看內苑好
風光

其四

閒看內苑好風光月令宸宮衣煖裳滿室僧香
春盎盎一堂翁火燠煌煌文書足用三冬日氣
節應凌五夜霜須記此時乘此樂閒看內苑好
風光

詠八音八首

金

閒看內苑好風光八佾音諧祀社堂鳧氏作形
清濁載莊公鑄質巨兼長玄英北吹干乾象紫
氣南騰聚履祥逸響晨霜徹通曙閒看內苑好
風光

石

閒看內苑好風光韶樂聞音復魯堂斷續泗濱
浮石美輕清瀛上出琦良扶桑曉日開晴景闈
苑和風布煖陽雅奏鳳儀知獸舞閒看內苑好

風光

絲

閒看內苑好風光錦瑟端奇設案方五十華絃
悲夜月三千新曲散朝霜淒然悠韻和清籟慘
若餘音麗遠湘流水江臺魚躑躅閒看內苑好
風光

竹

閒看內苑好風光編竹為形雅韻長七數遺形
應火德九成韶美集鸞凰滄波夜沸龍吟月碧

澗晨寒狽嘯霜百尺樓中聲激楚閒看內苑好
風光

匏

閒看內苑好風光遺自媧皇製羽商十七嬌鷄
鳴峻嶺千般仙曲按清簧輕風吹引遼天鶴薄
露侵臨漢境凰玉振金聲鏞間奏閒看內苑好
風光

土

閒看內苑好風光始製庖犧禮樂張萬物育萌

由此出五聲和暢實竒良西南維應先天氣秋
夏時交節吹涼伯仲填篚誠典則閒看內苑好
風光

革

閒看內苑好風光踊躍朝陽每繫鏜簡簡協和
竽管律闐闐節奏象音揚三千禮樂威儀守五
十腔調表吉行近助君家賓客侑閒看內苑好
風光

木

閒看內苑好風光控揭相和體用方龍虎鳳龜
羅四側春秋象物定中央數含齟齬歸形脊樂
播鏗鏘付廟堂合止一音無間別閒看內苑好
風光

長春競辰藁卷之十

長春新屋...

Vertical columns of faint text within a rectangular border.



